

ԳՐԻԳՈՐ ՆԱՐԵԿԱՑԻ
ՅՈՐԴՈՐԱԿ ԾՆԵՒԱՆ

Մեաւ եմ, գեղեցիկ,
Դուստր Եւայի Երուսաղէմ.
Ահա նա՛, հարսն իմ ցանկալի՝
Միրով կապեալ ընդ փեսային:

Նման է եղբարորդին իմ այժեմանց
Որթուց եղանց.
Ահա նա՛, ձայն եղբարորդւոյն
Խանդաղատեալ սիրով լըցեալ:

Ե՛կ, իմ սիրելի,
Ե՛կ, մերձաւոր Հարսնուհի
Ահա նա՛, իսայտայր, «Խնծորով զիս պատեցէք
Տարեալ մուծէք ի տուն գինւոյ»:

Աչք իւր՝ աղաւնոյ,
Թն՝ լար կարմիր՝ մանեակ՝ ոսկւոյ.
Ահա նա՛, լեառն կնդրկի.
Հոտ նարդոսի և զմռսի:

Գեղ էր գովելի
Մանուկ անհաս անժամանակ.
Ահա նա՛, լեառն դիտարան,
Շուշան հովտաց, ծաղիկ դաշտաց:

Դասք մարգարէիցն
Երգեն ի յայն բլրին վերայ.
«Ահա նա՛, հին աւուրցն Աստուած,

Է մանկացեալ, մարմին զգեցեալ»:

Որդիք Սիոնի,

Ելէ՛ք, տեսէ՛ք ի Բերդահէմ.

Ահա, ելէ՛ք դուք ի յայրին,

Երկիր պագէք թագաւորին:

Ընդ հովիւսն երգեցէք,

Եւ ընդ մոգուցն երկիր պագէք.

Ահա զոսկին թագաւորին,

Զխունկն՝ Աստուծոյ Հաւր միայնոյ:

Որում փա՛ռք եւ գոհութիւն

Եւ հանապազ փառատրութիւն.

Յաւիտեանս յաւիտենից

Քրիստոս արհնեալ ի համայնից: